

اوسات علمي و سياسي

هفته لقی سیاسی ، ادبی ، علمی غزته در

جلد : ۳

سنه : ۲ ۴ جمادی الاول ۱۳۳۶ جمعه ايرتسی ۱۶ شباط ۱۹۱۸ نومرو ۲۴ — ۵۵

ایران و سیاست و اسامی و اسامی

— مابعد —

عباسیلر بغدادده نصل عجملیورلرسه ، عثمانیلرده استانبولده اولیه روملاشیورلر .
بوراده کی ذوات کرامک قسم اعظمی (زوملاشقی) کله سنک معناسنی ؛ کندیلرینی بیلدکری کوندن
بری بیلرلر . وسوزمی بک طبیعی وحق بولورلر . مقصدی بیگانه لره افهام ایچون برقاچ کله ایله ایضاح
سرام ایدیم :

(روم ترکی) هم جغرافیائی هم اتنوگرافیک برتعبیردر : بخارا ترکی ، سمرقند ترکی ، آذربایجان
ترکی کبی . بیزانس ایمپراطورلغنک حوزه حکومتنده برزمان بولمیش اولان یرلر و بویورلرک سکنه نی
دیگک . بوراده تمام ایران مقابلی در : سلجوقیان ایران ؛ سلجوقیان روم کبی .
(روم ایلی) ده بویله در . چونکه ترکلرک ایجاد ایتمش اولدیغی بوتعبیر ایله محدود و معین یرلرده
روم عنصری اقلیتی تشکیل ایدر . موره شبه جزیره سی هان سراپا روملره مسکون ایکن (روم ایلی)
نامنی آلامشدی .

(رومی) صفتی هر صنف و مسلکدن بالعموم بیوکرمز ، کال افتخار و ممنویته قبول ایتشردر .
جلال الدین رومی ، اشرف رومی کبی اعظم اولیاء الله بوکله ایله تلقب واشتیار ایتدیلر . ابن کاله
(علامه روم) ، (محقق روم) دینیر .

(رک) عرقنک اک بیوک پادشاهی ، شبه یوقدرکه ، سلطان سلیمان قانونیدر . هم بو پادشاه ،

بیلر سکنز که بز معزز نجم وهلامزی ده، بلده طیبه قسطنطنیه کی، روملردن آلدق. وه نیره لوس جنابلری شاید بزه بر حرب اعلان ایدرسه، کندیلرندن زور بازوی جلاد تله آلهرق مسلمان دیننه، عثمانلی تابعیتنه، ترک عرقنه ادخال ایتدیکمز بو مقدس رایت ملی بی پنه. کندیلرینه قارشی سرنگون اولقدن وقایه یولنده حیاتلرینی کوله کوله فدا ایده جک بیکارجه مسلمان، عثمانل، ترک اولادی کوزه جکدر.

[مابعدی وار]

سلیمان نظیف

مکتوبات

[سلیمان پاشا زاده مرحوم سامی بک خصوصیت احوالی ختمده بعض مطالعاتی محتوی فاضل محترم حیدری زاده ابراهیم افندی طرفندن یازلمش اولان مکتوبک خاتمه سنی تشکیل ایدن بر منظومه ادبیه در]

سامی همیشه رحمت رحمانه مظهر اول
 بول عالم بقاده ده فوز وسعادتی
 کوسدک مکر جهانہ بی کورمه دن کیندوب
 ای یار جان حشره بورا قدم بو حسرتی
 یوکسل حضور حقه کمال خضوع ایله
 رفع ایت اوبار کاهه ندای شکایتی
 عرض ایتدی که اوسودیکک اولاد بو البشر
 چکمکده هر دقیقه ده بار فلاکتی
 تکریمه مظهر ایلدیکک نسل محترم
 بردرده دوشدیلر که کور نمز نہایتی
 بو کیرودار مدہش دور زمانه دن
 تمکده یریوزنده کی عرق نیجابتی
 تادیب ایسه مراد الهی یتر یتیش
 افتادکان امته آج باب رحمتی